

INUUT ATAQATIGIIT

INATSISARTUNI



UKA 2013/29/32
14. september 2013

JH

**Inoqutigiit isertitaasa annertussusaat aallaavigalugu utoqqalinersiat
ilanngaateqartinneqartarnerisa atorunnaarsinnejarnissaa siunertaralugu Utoqqaliner
pensionisiat pillugit Inatsisartut peqqussutaat nr. 3, 7. maj 2007-imeersup Naalakkersuisut
kingusinnerpaamik UKA14-mi allanngortitsinissaat pillugu Inatsisartuni
aalajangiiffigisassatut siunnersuut.**

(Inatsisartunut ilaasortaq Kristian Jeremiassen, Siumut)

Siunnersuuteqartup toqqammavilersutai paasinraluarlugit, inuaqatigiinni ataatsimut
isiginnittaaseqarluni ingerlatsinermut naapertuutinngillat.

Inuit Ataqatigiiniit pingaartittuarsimavarput pisariaqartitsinerpaat sallutinnejartarnissaat,
amma utoqqalinersiuteqartut eqqarsaatigalugit. Taamaattumik imalaalinnarluni kikkut
tamarmik inoqutigiit qanorluunnit isertitaqaraluarunik tamarmik assigiimmik
utoqqalinersiuteqalernissaat akerleraarpot.

Manna siunnersuut saqqummiunneqartoq, utoqqaat sanngiinnerusumik inissisimasut
eqqarsaatiginagut siunnersuutaasoq, Inuit Ataqatigiiniit isumaqarpugut.
Uani pineqarput, pilersueqatigiittussaataitaaneq aqqutigalugu, inoqutigiit ataatsimut isigalugu
aniaasaaqarnikkut inissismalluartut. Taakkulu isumaqarpugut isumannanngitsut,
inuaqatigiinni isumannarnerusunik kivinniagassaqarpugut, taakkulu
siullunneqartariaqarput.

Taamatut oqaaseqaateqarluta imm. 29 itigartitsissutigineqarnissaa inassutigaarput.

**Utoqqalinersiuteqartut angerlarsimaffimminni ikiorteqartarnerminnut
akiliisarunnaarnissaat siunertaralugu Inatsisartut peqqussutaat nr. 15, 20. november 2006-
imeersumi § 29-ip allanngortinneqarnissaa siunertaralugu Naalakkersuisut
siunnersummik saqqummiusseqqullugit peqquneqarnissaannik Inatsisartut
aalajangiiffigisassaattut siunnersuut.**

(Inatsisartunut ilaasortaq Kristian Jeremiassen, Siumut)

Utoqqalinersiuteqartut ullumikkut amerlasuut angerlarsimaffimminni ulluinnarni
ikiorneqartarput. Ullut tamaasa utoqqartagut sulisunit pikkorissunit angerlarsimaffinni
ikiorneqartarput. Ilaat angerlarsimaffimminni eqqiaanermut ikiorneqartarput,
pisiniunneqartarput, ullaakkut unnukkullu makinnialernerminni innarnialernerminnilu
ikiorneqartarput. Taamaammat angerlarsimaffinni ikiortit, inuttut allatulli peqqissutut
inuusinnaanissaannut ikorfartuutaasarput, pinngitsoorneqarsinnaanatillu.

Taamaalilluta utoqqartagut ernumaginagit, nalunagulu isumagineqarluartut – nammineq
sulinerput aallussinnaasarparput.

Soorunami pingaaruteqarpoq, ilaqtariit qangatut ikioqatigiittuarnissaat. Ernuttat
aanakkuminnut aatakkuminnut pulaartarnissaat, ikuuttarnissaat. Tamanna
aniaasasanngorneqarsinnaanngilaq, ajuusaartarpungalu utoqqaat tusaasinnaagaangakkit

kiserliornerminnik oqariartortut. Inuaqatigiittut utoqqartagut pingaartitsigit aamma puigornagit.

Utoqqaannaanngillat angerlarsimaffimmi ikiorneqartartut, aamma siusinaarlutik soraarnerussutisiaqalersartut angerlarsimaffimmi ikiorneqartarput. Taamatullu innarluuteqartut ikiorteqartarlutik. Tamanna pissusissamisoorpoq.

Siunnersuuteqartup qaqitaa assut soqutiginarpoq, ilumummi, naapertuunnerluni utoqqalineq pillugu, timikkut pisinnaasat annikillineri pillugit ikiorneqartariaqarneq aningaasatigut artukkiisarmat? Isumaqpugut eqqarsaqqittariaqartugut, qujanarlu siunnersuuteqartoq qulequttamik qaqitsigavit.

Isumaliutigeqquarput illoqutigiit isertitaattut killiliunneqartartut qaffanneqarsinnaanerat, maannami isertitat aallaavigalugit allaat akunnermut 82 koruuni ikiorneqarniaraanni akiliutigineqartarpoq, qaammammullu akunnerit qulit ikiorneqaraanni akiuliutissap 800 kr. sinneriissavaa. Utoqqalinersiutinik isertitalimmut aningaasarpassuupput.

Siunnersuutigaarput ataatsimiititaliap killigitat misissoqqissagai, aamma siusinaartumik sulisinnaajunnaarnersiallit innarluuteqartullu uani eqqarsaatigalugit. Immikkoortitsisoqarnissaa kissaatiginnigarput.

Naalakkersuisut akissuteqaataat qaaginnaarsiorpallaarsoraarput, taamatullu allangnguutissatut siunnersuusiaat siammasippallaartunik oqaasertalik tapersersinnaanngilarput. Tigussaasunik aallaaveqarluta, pitsanngorsaanissaq nalerarisariaqarparput.

Taassuma saniatigut, angerlarsimaffimmi ikiortit peqatigalugit ilaquaasut peqataatinneqarnerusinnaaneri ujartorumavarput, ilaquitariit iluini nukittunerit aamma sanngiinnernut tapertaasussatut isigigatsigit. Tassa ilaquitariittut inuuneq peqqinnartoq, ikioqatigiinnerlu.

Siunnersuut tunngaviatigut akuersaarpalput, ataatsimiititaliamilu suliarineqaqqinermigut utoqqalinersiallit, siusinaartumik sulisinnaajunnaarnersiuutillit kiisalu innarluutillit naligiimmik isigalugit eqqartueqataaffigerusuppagut. Qujanarlu siunnersuummut, atugarissaarnerunissamik siunnerfilimmut.